



kat.komp.

14291

III

Mag. St. Dr.

P

*Wielicki Danielis: Panegyricus Jllmo ac Rectori
mo S. Stanislas Grochowski: etc oblatas.*

PANEG. et VITAE

Polon. Fol.

№ 333.

Blank page with a decorative border on the right edge.

PANEGYRICVS

ILLVSTRISS: AC REVERENDISS:
DOMINO,

D. STANISLAO
GROCHOWSKI
A GROCHOWCE,

Dei, & Apostolicæ Sedis Gratia,
ARCHIEPISCOPO LEOPOLIENSI,
ABBATIÆ SECIECHOVIEN:
Perpetuo Administratori,

Domino, & Mecoænati Amplissimo;

In primo Celsitud: Suæ ad Sedem Archiep:
ingressu,

A.

M. DANIELE WILCZEK,
Philosophia, & Iuris V. in Acad: Crac: Doctore,
oblatus.

CRACOVIAE,

In Officina Andrea Petricouij, S. R. M. Typographi.
Anno Domini, M. DC. XXXV.

IN ARMA ILLVSTRISSIMI.

BIBLIOTH. UNIV.
JAGELLONIAE



*RVSSIACO fera mitis AGNVS sociata LEONI,
En pulchrum pacis symbolon insinuat.
Mœnibus hic hostem, ille lupos arcebit Ouli,
Hinc populo pietas affluet, inde salus.
O mea sume animum tristes post PATRIA curas,
Aurea GROCHOVIO PRÆSVLE sœcla trahes.*

D. W.

de la Bibliotheque
d' HYACINTHE PRZYBYLSKI.

PANEGYRICVS

ILLVSTRISSIMO PRINCIPI,

Ac Reuerendissimo Domino,

D. STANISLAO

GROCHOWSKI,

ARCHIEPISCOPO

LEOPOLIENSI.



Vm frequens nobilitatis terrarum Russiæ corona, compluresque Senatorij ordinis Viri, Pontificalem honorem, quem Optimi & Max: Dei voluntate, ipsiusq; Sereniss: & Sapientiss: REGIS iudicio amplissimum cōsecutus es, plurimum Tibi gratulentur, ARCHIPRÆSVL Illustrissime; cumq; ad Te Pastorem, & tanquam communis boni Parentem excipiendum, nō tantum augustus & venerabilis Sacerdotum cætus, sed effusa etiam omnis generis multitudo, & propè conuulsa suis sedibus Ciuitas prodeat obuiam; cum benè precantium votis, ominantiumque & salutantium vocibus personent omnia: ego si acclamantibus cæteris nullam lætitiæ vocem ederem; & intēpestiui silentij me quodammodo arguēdum esse profiterer, & in eam, quam ACADEMIÆ

Cracouiensi Altrici meæ, omni ex parte acceptam, quantacunq; sit, studiorum humanitatis refero institutionem, ingratitude Musis inusitatâ delinquerem. Cui etenim potiore officio, atq; magis ex debito qualescunq; literæ nostræ seruiant & militabunt, quàm Tibi earum Patrono & tutori peroptimo? qui ut dignitatem generis ex familia illustriorem, claritatem nominis à sapientia magis conspicuam, authoritatē ex cognitione atq; usu maximarum rerum insignem aliquando caperes; non satis vnquam habuisti maximis & inclytis Maioribus nasci: nisi naturæ Tuæ præstantiam, eâ ipsâ, quâ plurimum excellis liberali doctrinâ, diuinisq; planè ac heroicis virtutibus perpoliuiisses atq; exornasses. Accedit eò non minus iusta, quàm honesta instituti mei ratio, quòd nimirum vnum me è numero eorum esse agnoscam, qui Tibi Pontifici, cum primam & æquissimâ subiectionis sponsonem, tum secundum immortalē Deum, omnem reuerentiam atq; cultum tribuant, voueantq; necesse est: còsentaneum me certè facturum iudicaui, si & Ecclesiastico in Tua Archidiocesi ornatus beneficio, & ijs artibus, quæ sunt libero homine dignæ, utcūque excultus, cum debita animi summissione ac veneratione ad Te salutandum accurrerē: in summaq; omnium lætitia, & inter tot fauistas ac

stas ac iucundas gratulantium voces, nō muti-
duntaxat salutatoris officio functus, (cū
Persarum lege Principem sine munere salu-
tare non liceat) qualecūq; etiam istud munu-
sculum, hoc est, hanc meam tenuem & incō-
ptam Panegyrim pronā Tibi manu offerre.
Quare applaudant alij, sublimi Tuæ Archie-
piscopali dignitati erudito quouis ac insigni
gratulationis artificio; cōgerant in Te com-
plures linguā & calamo certatim præstantis-
simas laudes; vel quod res tanta postulat, iu-
cundissimas salutantiū species atq; imagines,
in Tuis oculis, in Tuoque animo sapienter &
officiosè defigant: ego tū eloquij mei infā-
tiam, tū magnitudinem animi Tui confide-
rans, constitui, in parcā & modestā præcla-
rissimarum Tuarum Virtutum, quæ Te isto
amplissimi honoris fastigio iam olim dignis-
simum reddiderunt, commemoratione, me-
am orationē cōsumere: Teq; testimonio lau-
dabilium Tuarum fūctionū satiūs, quā exi-
li & populari mea dictione exornare. Hoc
Tetātū oro, obtestorq; ARCHIPRÆSVL
Illustrissime, vt sermonem hunc meum, ple-
no humanitatis vultu accipias: & non tam il-
lius, qui certè satis humilis est, cultum atque
ornatum desideres, quā deuotissimum in-
consectandis venerandisq; Tui Honoris insi-
gnibus, studium meum paterno comprobes
affectu.

Atq; cū vſu & conſuetudine communi
receptum ſit, ARCHIPRÆSVL Ampliſſime,
vt, qui de alicuius ſermonem habituri ſunt
virtutibus, prius generis vetuſtatem, familiæ
nobilitatem, gentis diuturnam perennemq;
gloriam & poſſeſſionem laudibus celebrēt:
in his omnibus ritè atq; ex ordine cōmemo-
randis minùs mea exultabit oratio. Cū &
hæc fideliffimis annalium monumentis veriſ-
ſimè conſignata ſint, & Tu propriâ quàm ali-
enâ famâ excellere præclarum ſemper duxi-
ſti; ſufficereq; Tibi ad gentilitium decorem
exiſtimes, illorum ſtemmate atq; genere or-
tum eſſe, quorum in orbe Sarmatico virtus,
vt belli togæq; artibus potens olim & ſplen-
dida perpetuò exiſtit, ita etiam nū in GRO-
CHOVIORVM glorioſis factis magis in
dies effloreſcit. Nam cū Maiores veſtri in
honoribus Regni, inq; poteſtatibus ac offici-
is præclarè gerendis ſic omni tempore verſa-
ti ſint, vt multorum & magnorum illorum
fama in patriâ meritorū peruagetur vbiq;
vos non ad æquare ſolū, ſed ſuperare etiam
eorum ipſorum à quibus orti eſtis, gloriâ vi-
demini. Itaq; laudent annalium ſcriptores
profectam à GROCHOWCE Hermanouio-
rum, Kormaniciorumq; & Niouiorum, ſeu
quod eiufdē propaginis & gentis eſt, GRO-
CHOVIORVM antiquiſſimam & clariſ-
ſimam

simam in solo Præmissiensī familiam, à pri-
scis vsq; temporibus repetitā origine; & iam
inde à Petro Bohdano Rohatinio, nō min⁹
fortissimo atq; florentissimo illius ætatis ho-
mine, quā Illustrissima DVCVM RVSS-
IÆ prosapiā oriūdo, velut ab Achille quo-
dam Roxolano stirpis Tuæ seriem longo or-
dine ducant: Extollant hostili sanguine ma-
gnā sui parte perfusum in prælio eum, quem
generosissimæ eiusdem gentis Dux & Heros
bellicā virtute dexterrimè sortitus, in RVSS-
SIA inuexit primus AGNVM, inclytum
Domus Vestræ decus & monimētum: Adj-
ciant tantam Tuorum fuisse fortitudinem,
tantamq; præstantiam & splendorem, vt alij
domi & foris, per varia multipliciaq; bella
passim & vbiq; versati, vel ordines strenuè
duxerint, vel copias acriter profigarint, aut
à ciuium iugulis mucrones & acinaces, à pe-
ctoribus tela & sagittas, à capitibus seruitutē
& infamiam sæpè depulerint. Alij pacis arti-
bus præstantes, maximisq; Regni Magistra-
tibus functi, Reipubl: dignitatem consilio,
religionem constantiā, immunitatem Eccle-
siæ authoritate ornārint, auxerint, defende-
rint. Ego enim pietatem & sapientiam Tuā
insignem, vitæ grauitatem, morum facilita-
tem, liberalitatem multis & priuatim & pu-
blicè salutarem, cæterasq; admirandas virtu-
tes, quæ

tes, quæ Te integerrimū, optimumq; sacro-
rum exprimunt Antistitem, quantò magis
suspicio, tantò pluris profectò facio, ac ve-
neror. Neq; tam laudo, quòd tantam gloriā
Maiorum Tuorum virtutibus partam acce-
peris, quàm quòd acceptam præclarissimis
Tuis auxeris. Namq; Tu, Antistitum Prin-
ceps dignissime, postquam excellens ingen-
ium à natura, & ad omnes honestas artes do-
cile accepisses, nihil in votis prius potiusque
habuisti, quàm vt primæ ætatis Tuæ florem,
non in otio atq; caducarum rerum, blandi-
mentis & lenocinijs, quibus ea ætas plerunq;
capitur, molliter attereres: sed in disciplina-
rum vitæ communi perutilium, inq; virtutis,
& veræ, quæ hanc comitari meritò consue-
uit, gloriæ orbitâ decurrendâ, traduceres
elegantè. Atq; cum per vsum rationis in-
telligeres, ad res maximas efficiendas, natu-
ram quamlibet optimam, sine doctrina cæ-
cam planè ac infirmam esse, idcirco non ad
generis metas duntaxat hære, aut Auorū,
Atauorumq; titulos numerare, vel fumosas
Tuorum imagines iactantiùs ostentare, sed
mox à puero cum doctis viuere, complecti
homines eruditos, admirari Philosophos, &
ab his rationes benè viuendi sumere, præcla-
rum inprimis arbitratus es, vt Te sic vitam
instituisse, non solùm hoc tempore admiren-
tur ple-

tur plerique, quod in Te germanæ atq; auitæ
nobilitatis expressa documenta luculentissi-
mè eniteant; sed satis etiam superq; non ne-
mo laudet, quod egregijs factis & moribus,
laudatissimis sapientissimisq; quibusque viris
esse quàm simillimus videâre. Et quia homi-
nem non ad intelligendum modò, sed ad
agendum quoq; natum scires, Tibiq; aliquan-
dò maiorum Tuorum vestigijs insistendum
præsentires: quò præclarius & dignitatem ge-
neris ex familia, & amplitudinem nominis à
sapientia, & authoritatem Senatoriam ex co-
gnitione atq; præstantissimarum rerum vñ
sustineres; quod Tibi restabat ad adolescenti-
am temporis, cuius viginti annos iustum tẽ-
pus maiores esse voluerunt: id Tu non volu-
ptatum illecebris, neq; ludorum spectaculis,
sed visendis regionibus, atq; moribus cogno-
scendis potissime impendisti. ratus profectò
sapienter, eum, qui peregrinationem conte-
mnit, vitamque à tenera ætate ita instituit, vt
domi inclusus, quid foris agatur, penitus ne-
sciat, excellere consilio senem, si cupiat ma-
ximè, non posse. Quocircà in primis iuue-
rutis Tuæ annis, ad Vlyssis Homerici modũ,
exterarum nationum terras sic obiisti, vt
quicquid in eis locorum, hominum, Urbium
atq; Ciuitatum visendum fuit, cognosceres.
Neq; in ACADEMIIS, viros bonarum artiũ,
B cultu

cultu atq; tractatione clarissimos, audire prætermisisti; tantum ex singulis eruditionis ac scientiæ delibans, quantum ad egregiæ virtutis vsum, publicamq; necessitatem, satis superq; esse iudicares. Inde domum cum magna existimatione speq; Tui reuersus, leges & instituta Patriæ illicò cognoscere, negotiorum multitudinem & varietatem diligenter notare, mores & ingenia hominum penitus perspicere cœpisti. Ac vt præclaram ingenij culturam, Tuiq; animi indolem, in rei ciuilis disciplina perdiscenda, prudentiaq; & experientiâ rerum colligendâ, fructuosè ac laudabiliter occupasses, confestim ad aulam Regiam, omnis industriæ magistram, veri laboris officinam, honestatis atq; dignitatis sedem ac domicilium contendisti. Vbi velut in theatro quodam aperto & exposito, cum non opibus, non gratiâ, non fumosarum imaginum commendatione ad dignitates iter Tibi patefaciendum; sed eruditione ac prudentiâ honori Tuo velificandum duxisses; primum propria virtute niti, deinde omnem humanitatis & morû elegantiâ, non mirari solum, sed etiâ rebus & factis imitari didicisti. Quamobrem hic Tuus in Reipubl: negotijs tractandis labor, industria in agendo, consilium in prouidendo, authoritas, quam non cani, atq; rugæ attulerunt, sed ipsa prudentia cum virtute pe-

tute peperit ; ita subito in perficiendo resplē-
duit : vt Te ad omnem operam, fidē, dexte-
ritatem, studia obsequiaq; Regi & Patriæ na-
uiter probāda, natura ipsa genuisse, voluntas,
exercuisse, fortuna fouisse videretur. Qua-
propter, tātas animi Tui dotes, optimus Rex
SIGISMVNDVS eius nominis Tertius,
quem & omnes confitentur, & res ipsa loqui-
tur, cū cæteris in rebus rarā quadam & ex-
quisitā prudentiā, tūm miro in pernoscentis
hominum ingenijs acumine, & maturā in or-
nandis cuiusq; virtutibus volūtate præditum
fuisse, cū olim ad præclara quæq; gerenda
sefe efferentes cognouisset, primū quidem
Te, ad commédationem supremi illius The-
saurarij Regni, BALTHASARI STANISLAVII
Patruī Tui, in cuius Tu & Familia, & exerci-
tatione rerum præclarè agendarum assiduus
eras, in Secretariorum Suæ R.M. numerum
adlegit. Vt videlicet, cū aliorum complu-
rium operā & sedulitate vteretur, integritati
quoq; & fidei Tuæ grauissima quæq; negotia
committeret. Quo in officio atque honore
cū constanter ac incorruptè Te gessisses,
Regij Thesauri prouentus, omniumq; Regni
redituum Administrationem, quæ vt maxi-
mi momenti, ita meriti inprimis singularis
est, Tuæ potestati, fidei, & tutelæ credidit.
Neq; verò multò post, atq; vno ferè eodem-
B 2 que tem-

que tempore, ex quo cultui Diuino Te addi-
xeras, fatis amplis & augustis Sacerdotijs cō-
decorauit. Tantaq; dignitate auctum & or-
natum, in eisdem muneribus, in regia, ad ex-
tremum vitæ suæ terminum detinuit: vt ex
ea re existimari à quopiam liquidò possit, Te
adeò gratiâ Clemētissimi illius Principis flo-
ruisse, vt nunquam ab eius latere discederes.
Ex quo ad pia obeunda officia assiduus fuisti,
vt nihil in grauissimis causis, aut sine Tuo iu-
dicio decerneret, aut sine Tuo ministerio cō-
ficeret: vt neq; sine Te otium, neque sine Te
negotium caperet vllum: neq; res vlla fuit,
quæ ad ærariū pertineret, quæ Tuæ fidei spe-
ctatæ credita & permissa non esset. Quòd si
tantâ prudentiâ maximus ille Princeps fuit,
quantam omnes fuisse prædicant, semperq;
prædicabunt: quâ innocentia, quâ fide, quâ
virtute & sapientiâ eum esse oportuit, qui sic
se illi probauit, qui nihil vnquâ, nisi BONVM
probare solebat? Nūc Te, Serenissimus Rex
VLADISLAVS Moschorū Victor, Tur-
carumq; domitor potentissimus, post deces-
sum è vita Magni illius Senatoris, æternaq;
memoriâ dignissimi Præsulis, IOANNIS
ANDREÆ PROCHNICII, ad hoc il-
lustre Leopoliē: Archiepiscopatus fastigi-
um, citra vllam cunctationem extollendum
putat, euehendumq; Et quæ alia causa fu-
it, quàm

it, quàm. Tuæ virtutis & industriæ opinio?
cùm indignum planè cēseret, vt vel Tua vir-
tus Senatorio ordine, vel Senatorius ordo
Tua virtute careret. Et, si maximus honor,
non nisi optimis maximiq; meriti viris iure
tribui solet: quantum Te iam omnes cum
grauissimo Sapiētissimi PRINCIPIS iudicio
esse reputabimus, qui non per inferiorū ho-
norum munera gradatim euectus, nō tot an-
te infulis insignitus, sed ex Cracouien: Sen-
domirien: Varsauien: Prælaturis; multis eti-
am in medio intermissis honorum Senatus
gradibus, ad Archiepiscopalem hunc, qui à
Rege secundus habetur, non vlla ambitione,
aut eblanditis fauoribus, sed virtute & inge-
nio peruenisti? Neq; enim fugit nos, ARCHI-
PRÆSVL Illustrissime, Te Serenissimo Regi
VLADISLAO, quem honoris & venera-
tionis causâ iterū nomino, id esse, quod vel
Atlanti cælum humeris sustinenti fuit Her-
cules, vel quod Herculi fuit Theseus. Qui si
quando res incidūt Regno vel Curia graues
& arduæ, Te illis, quâ es in rebus agendis sin-
gulari prudentiâ, non interesse solum, sed
etiâ præesse vult maximè. Cuius rei vel cla-
rissimum documentum dedit, dum in grauif-
simis illis bellorū difficultatibus, quibus cum
Moschis & Turcis proximo biennio impe-
ditus fuit, Tuâ sibi potissimum operâ, Tua
proui-

providentiâ, Tua integritate, domi vtendum
putavit. Vt nihil nobis mirum videri debe-
at, si illa negotiorum diligens administratio,
illa ingens curarum. Tuis humeris imposita
moles, à Tui negotij studio mentem Tuam,
auocauerit, aduentumq; ad Vrbem atq; Ar-
chiepiscopam Leopoliën: diu multumq; de-
sideratum omnibus, in hunc vsq; diem diffe-
rendum Tuum in animum induxerit. Quan-
quam enim dubium non est, tanti illius Tui
promeriti, atq; egregiè nauatæ operæ recor-
dationem, altius Opt: Max: Regis animo in-
fixam esse, quàm vt vlla vnquam obliuione
euelli possit: tamen quia Te iam non in expe-
ctatione, sed in oculis habemus: non in votis
gerimus, sed ad clauum Archiepiscopalem,
quod benè feliciterq; Ecclesiæ Dei, ac Reip:
Christianæ eueniat, confidentem conspici-
mus, tanto ex ea re gaudio gaudemus, quan-
tum neq; meâ, neq; cuiusquam oratione ex-
primi potest. Iam verò alijs virtutibus Tuis
enumerâdis, quæ par potest inueniri oratio?
Vbi enim cunq; aciem mentis nostræ circū-
ferimus, plena religionis, plena felicitatis,
plena laudis ac maiestatis ornamēta splende-
scere atque eminere in Te cernimus. Ecquæ
tanta potest existere vbertas ingenij, quæ tā-
ta facultas orationis & grauitas, quod tā au-
reum & incredibile verborum & sententia-
rum.

rum flumen, quò quisquam possit, Tuam omnium opinione præstantissimam, ipsoque vel diuino iudicio, immortalitate dignā P I E T A T E M, non dico exornare orando, sed percèfere numerando? Anni iam multi sunt, cùm Ordinibus sacris initiatus es, quo ex tempore patentiore exercèdæ virtutis campum nactus, ita omnes impleuisti boni Sacerdotis numeros, vt semper inter paucos eximium Tuæ in Deum pietatis studiū emineret. Nunquam vllum diem abire passus es, quo non immortalī Deo religiosè litares, vel publicis rebus impeditus diuinæ rei omninò interesses. Tuendæ verò ac cōseruandæ Catholicæ religionis, ita omni loco & tempore studiosissimus extitisti: vt vitam Tibi potius eripi, quàm quidquam de Christianæ fidei integritate diminui paterère. Est namq; hoc nobilissimis optimisq; viris innatum, vt cùm constantiæ & sinceritatis in Principes suos laude, caritateq; in Patriam velint vigere, sic cupiant, nihil in vita prius antiquiusq; cōseruatione ac propugnatione Orthodoxæ fidei habere. Quæ laus si cui vnquam meritò tributa est: Tibi, Tuisq; certè, P R Æ S V L Amplissime, hac tempestate omnium cōfessione tribuenda est. Quis enim æternâ recordatione dignissimo Præsule A C H A C I O, vitæ innocentia, morum grauitate, dicendi facultate præ-

te præstantior fuit ? Qui cùm Præpositum
Generalem Micchouien : ageret ; primùm
ad fel : mem : PAVLVM V. breuq̃; pòst
tempore, ad GREGORIVM XV. Pontifi-
ces Maximos, Regis ac Reipub: nomine mis-
sus, ita Legati munere fūctus est : vt maximā
ex eo fidei & prudentiæ non laudem solùm,
sed etiam admirationem, consecutus fuerit.
Sicq̃; se, moresq̃; suos, totamq̃; antea ctam vi-
tam sanctissimæ illi Sedi Apostolicæ proba-
uit, vt ab ea optimi & prudētissimi Regis suf-
fragante iudicio, primùm Præmissiensi, ad
quem multis antè annis miro bonorū studio
efflagitabatur, Episcopatu decoratus, post-
modumq̃; ad Ecclesiam Luceorientem, gra-
uissimā VRBANI VIII. Summi Pontificis
authoritate translatus sit. Quā in vtraq̃; emi-
nenti speculā & statione constitutus, ita boni
Antistitis perfectam formā vitā & moribus
expressit: vt nihil nisi de Deo, & VUTILITATE
PVBLICA cogitantem, constantissimeq̃; pro
ECCLESIE LIBERTATE laborantem, quisque
videret. Nihil vnquam ille cùm danda erat
in Senatu sententia, ad gratiam, semper quæ-
erant vera, & recta, palam & liberè locutus
est. Nullus publicus priuatusq̃; Conuentus
fuit, in quo quoties tulit res, tāquam murum
inexpugnabilem, Athletam Christi strenuū,
sollicitumq̃; se Fidei Catholicæ defensorem
non ex-

non exhibuit. Ita sæpè, ita animosè, ita feliciter, aduersus Ecclesiæ hostes dimicauit, vt eorum astus consilio eluserit, temeritatem virtute domârit, pertinaciam constantiâ fregerit. Non commemoro complures ex vëstra illustri domo virtutibus suis cõmendatissimos, quorum erga Patriã, & Ecclesiã Dei, singularia studij ac pietatis extant monumëta. Per antiquã namq; è Fundatione cõpertum est, Collegium Sacerdotum, quod Mässonariorũ vulgò appellât, in Ecclesia Cathedrali Præmissien: à PETRO de GROCHOWCE BOHDANOWICZ, olim primo Generali Terrarũ Præmissiæ Iudice, & vxore eius ANNA de Sprovva, splendidissima ODROWAZORVM gente progeneratâ foeminâ, fundatum ac institutum esse. Et Prælaturam Decanatus ad Ecclesiam Metropolitanam Leopoliën: ab his ipsis insigni liberalitate erectam, illiusq; Canonicam possessionem MICHAELI eorum filio primũ demandatam fuisse, vetus æquè foundationis titulus contestatur. Mitto NICOLAVM & CHRISTOPHORVM Fratres, & naturâ & virtute germanos: quorum hic in prouidendo sagax, inq; tractãdis negotijs industrius Tribunum Terræ Præmissiensis, atq; Salinarum Cracouiën: Administratorem egit: ille Secretorum ac intimorum Regis consiliorum particeps audiit. Quis FELICIANVM
C Castel-

Castellanum Præmissien: Patrii iuris peritiâ,
eximiaq; in DEVM, REGEM, & PATRIAM,
pietate, fide, constantiâ animi, quam omni-
bus notam testatamque esse vult, antecellit?
Quis RAPHAELEM stabuli Regni Vicepre-
fectum, ac Præmissien: Vexilliferum, patriâ
atq; auitâ virtute, Principis gratiâ, studijs ho-
minum, ergaq; omnes propensâ superat vo-
luntate? Præclarè patricia illa mulier Corne-
lia Grachorum mater, in æqualium matrona-
rû colloquio singulis suas opes & fortunas,
vt fit, iactantibus; alijsq; antiquitatem generis,
atq; affinium claritatem, alijs opulentas vil-
las, naualesq; ac pedestres suorum pugnas at-
que triumphos recensentibus, fertur dixisse:
Vbi liberi mei ex ACADEMIA redierint,
ego quoque meas vobis fortunas ostentabo.
At verò licuit Corneliæ plûs cæteris, familiæ
imaginibus, censu, opibus, victorijsq; maiorû
gloriarî: sed quæ vtero suo prodierat palma,
hanc verè suam, suiq; corporis propriam pu-
tauit, hac vnâ & singulari nobilitari satis ha-
buit. Et certè cùm à Græcis Imperatoribus
πελινπαΐδια tot prærogatiuis fuerit insignita. A-
pud Romanos ius tergemini, aut trium
liberorum, multorum onerum immunitatē
contulerit; cùm ipsæ libertinæ conditionis
mulierculæ quatuor liberos enixæ tutelâ pa-
tronorum ob prolis numerum liberentur,
quòd

quòd augeri Rempubl: Ciuibus, omnium interfit. Quibus tandem honorum insignibus, laudumq; monumentis lectissimam matronā MANASTERIAM Parentē GROCHOVIORVM integerrimam, ornari par est? quæ non solùm sex Ciues, sed Ciuitatis propugnatores, ac patriæ salutis vindices Regno dedit? quot liberos gremio suscepit, tot legum, iustitiæ ac pietatis defensores; tot Regum & Aulæ decora; tot lumina Reipubl: & firmamēta, futuræq; felicitatis pignora protulit? Nihil augendi aut amplificandi causâ dico, ARCHIPRÆSVL Amplissime, quin & res maximas, multò breuius, multoq; exilius, sentio à me tractari, quàm dignitati atq; amplitudini ipsarū conueniat. Itaq; vt omittam, quæ in Te pleno omnium ore passim laudantur, Prudentiam Tuam, quam nihil fallere; Iustitiam, quam nihil inflectere; fidem & cōstātiā erga amicos, quam nulla temporum asperitas imminuere atq; labefactare potest. Sileamq; Tuam in regendis hominibus seueritatem mirā temperatam clementiā, in administrandis Regni Rei; publicæ negotijs, & sine festinatione diligentiam, & sine tarditate grauitatem; taceam deniq; naturæ benignitatem, comitatem, facilitatem: quæ in Te tanta sunt, vt neminem in ista præsertim dignitatis & fortunæ altitudine cōstitutus, aut

aspectu, aut colloquio Tuo arceas, omnium
postulata libenter cognoscas, nihil iusta pe-
tentibus deneges, cum mitibus leniter, cum
ferocibus acriter, cum simplicibus apertè,
cum versutis cautè & circumspectè agas. Hæc,
& multa alia, quæ multarum, non meæ istius
vnius orationis negotium essent, consultò
prætereo. Illud certè prætermitti nō potest,
quòd Tu, optimè ARCHIPRÆSVL GRO-
CHOVI, instar sis illorum Archiepiscopo-
rum, quicunque aliquo singulari liberalitatis
munere cæteros mortales excelluerunt. Tā
enim clarum, tam peramplum munificentiae
Tuæ lumen iam effudisti, vt eius splendore
omnium omnia exempla propè dicam ob-
scurare videaris. In ipsius enim regiminis Tui
foribus, atq; Archiepiscopatus primordijs,
summo studio, incredibili animi ardore, sin-
gulari pietate, oculos, mentē, omnes deniq;
cogitationes Tuas eò retulisti, vt Metropoli-
tanam Ecclesiā, omni penitus ope ac patro-
cinio bonorum destitutam, grauissimisq; in-
cōmodis affectam, erigas, foueas, & ad pri-
stinam dignitatem, cultum atq; nitorem, pro
ea, quæ amplissima est, Archiepiscopali Tua
authoritate reuoces. Quo quid sanctius, quid
diuinius à tanto PRÆSVLE præstari, aut de-
siderari, vel ad struendam nominis immor-
talitatem firmitus ac stabilius reperiri potest?

Felices

Felices Fortunas Tuas, quas non in superuacuos luxus, ac vanitates seculi, sed in sancta & immortali prædicatione digna opera profundis. Opes verè opes, quibus Ecclesiæ, & Reipubl: imò & Tibi ipsi corā Deo insigniter opitularis. Quibus velut aureis virtutum instrumentis, nouas extruis, infirmas ædificationes Ecclesijs restauras, templa locupletas, altaria ornas, attritos egentesq; homines subleuas. Equidem haud scio, an de nonnullis copiosis atque potentibus viris id, quod de Othone Imperatore prudēs Historicus scriptum reliquit, temerè quisquā dixerit, quod *Perdere opes sciant, donare nesciant.* At Tu profectò donare scis, in pios & sancto Tuo instituto conformes vsus largiendo, nescis malè expendendo, ac prodigèdo perdere. Quæ enim Varſauia, quæ hîc Leopoli, & quàm sumptuosa ædificia extruxisti? quàm solerter ac ingeniosè excogitata ab antiquis, sed postea per posterorum negligentia obliuione obruta, quasiq; sepulta reuocasti? quàm multos egregios artifices ad noua excogitanda propositis præmijs excitasti? id cum in alijs operibus magnificè extructis, tum in Archiepiscopali Tua Domo manifestò videmus.

QVAM IN RVINAS PRONAM A FVN-
DAMENTIS DEMOLIRI, ET PALATI-
VM EIVS, VIX DVM ARCHIEPISCO-

PATV INITIATVS, NVLLO DE B O-
NIS ECCLESIAE LEOPOLIEN: SVBSI-
DIO IN FABRICAM ADSCITO, SED
PROPRIIS IMPENSIS, SVMPVQVE
ET OPERE LONGE AMPLISSIMO
ERIGI FECISTI, ERECTAMQVE EC-
CLESIAE LEOPOLIEN: VTI SPONSÆ,
ÆTERNVM ADDIXISTI CONSECRASTIQ.
Quòd si tanta beneficentiæ Tuæ initia ac fun-
damenta à Te iacta, atq; liberaliter præstita
videmus; quantos bonorum operũ progres-
sus, quantosq; exitus sperare aut expectare,
à Tali Tantoq; Principe debemus? Erexisti
enim animos omnium extructo hoc opero-
so, & ad omnem posteritatis memoriam præ-
dicabili Ædificio. Iniecisti spem, fore, vt in
Te vno felici postliminio boni Pastoris ac
Præsulis vniuersa decora atq; ornamenta Ar-
chiepiscopali Ecclesiæ restituantur. Agè,
PRINCEPS Illustrissime, ita Te Deus ille, à
quo Archiepiscopatus istius fasces, atque si-
mul nostram omnium salutem commissam
ac creditam accepisti, quàm diutissimè, &
quàm felicissimè Ecclesiæ suæ præesse velit;
vrge nauiter, quod iam facis, istud Tuũ pro-
positum, vt ad sacrorum Canonum præscri-
ptum, omnem Ecclesiarum munerum ac of-
ficiorum ordinem reuoces atq; exigas. Non
dubita-

dubitamus à Te excitatum iri, quæ vicissitudine temporum neglecta atq; prostrata, iacere sentis. Tolles funditus prauas ac illicitas consuetudines; dissolutos ac diffuentes subiectorum mores, si qui fortè erunt, legibus coërcebis atq; constringes. Clericorum Seminarium pro Tua authoritate, & quæ iam extat, liberali fundatione institues. Bona, redditusq; Ecclesiasticos, ab iniustis possessoribus repetes ac vindicabis. Parochiarum & Xenodochiorum præcipuam ac propè singularem curam suscipies, efficiesque, vt eorum, qui illa fundarunt, mens ac voluntas fideliter & religiosè obseruetur. Eodem studio, pariq; sollicitudine, sanctissimam illam atq; laudatissimam CASIMIRI ac SIGISMUNDI III. Diuorum Principum voluntatem, instaurabis: vel pulcherrimè à Prædecessoribus Tuis cæptam gloriosissimè perficies, dum & Hæreses errore fidei lapsas ad sanitatem mentis, & Schismata, quæ ab obedientia Sanctæ Romanæ Ecclesiæ descierunt, ac nescio, quos novos Petros in Græcia & Armenia nequicquam quærunt, ad cõsentientem Ecclesiæ vnitatem reduces. Hoc nobis haud dubiè portendit, hoc firmè pollicetur placidissimus AGNVS, gētis Tuæ nobilissimum ac pulcherrimum insigne, futurum esse, vt illustrissimos pietatis radios, iucundissimos

simos bonitatis igniculos, efficacissimos charitatis influxus, ad tuendum ouile Christi, & feras, cēpros, omni modo arcendos apponas. Hac spe & expectatione recreati, obuiis Te vlnis excipimus, atq; complectimur. Talemque ac tantum PRÆSVLEM singulari Dei munere huic Leopoliē: Cathedræ datum gratulamur. Æternum Numen assiduis precibus exorantes, vt cogitationes actionesq; Tuas perpetuò secundet, consilia dirigat, valetudinem confirmet, omni Te demum bonorum genere cumulet, sospitemq; vel in primis Ecclesiæ suæ præstet, ac diuturnum.



2.11.15

Biblioteka Jagiellońska



stdr0027293

